



# Ալեքսանդր Ճատուրյան

10 ապրիլի

Թմրած աշխարհը կյանք առավ նորից,  
Ահա ամեն տեղ  
Քո սերն է երգվում, գարո՛ւն ոգելից.  
Գարուն շնորհագեղ:

Անտառի խորքում քո սերն է երգում  
Սիրահար սոխակ.  
Ծաղկալից դաշտում քեզ է հեզ ժպտում  
Սիրուն մանուշակ:

Մատաղ գառնուկներ լեռան լանջերում  
Քաղցր մայունով՝  
Հովվի սրնգի հետ քեզ են ողջունում  
Ներդաշնակ ձայնով:

Քո գալն են օրհնում արև ու աստղեր,  
Եվ երկինք անամպ.  
Քո սերն են երգում թե՛ մանուկ, թե՛ ծեր  
Անվերջ ցնծությամբ:

Թմրած աշխարհին կյանք տվիր նորից,  
Ահա ամեն տեղ  
Քո սերն է երգվում, գարո՛ւն ոգելից,

Գարո՛ւն շնորհագեղ:

1890, 10 ապրիլի